



焦氏易林

541
3



541
3

利
316
3



焦氏易林卷第九

遯之第三十三

遯 三塗五岳陽城太室神明所保獨無兵革

乾 軟弱無輔不能自理意在外野心懷勞苦雖憂無殆

坤 周成之隆刑措無凶太宰讚佑君子作仁

屯 穴有孤鳥坎生蝦蟆象出萬里不可得捕

蒙 俱為天民雲過吾西伯氏嫉妬與我無恩

需 三手六目政多煩惑臯陶瘖聾亂不可從

訟 德積不輕辭王鈞耕三媒不已大福來成

師 堅固相親曰篤无患六體不易執以安全兩師駕西濡我

轂輪張伯李季各坐關門

比 方內不行輻摧輪傷馬楚蹠甚受子閔時

新錢支
有詢那



小畜畜牝無駒養雞不雛羣羊三歲不生兩頭
履 老耄罷極無取中直懸輿致仕得歸鄉里
泰 縮緒亂絲手與為哭越畝逐兔斷其禪襦
否 海老水乾魚鱉盡索藁落无潤獨有沙石
同人入市求鹿不見頭足終日至夜竟無所得
大有築門壅戶虎卧當道驚我驂駟不利出處
謙 陶朱白圭善賈息資公子王孫富貴不貧
豫 王良善御伯樂知馬周旋步驟行中規矩止息有節延命
壽考
隨 堯問伊舜聖德增益使民不懼安無悚惕
蠱 昭公失常季氏悖狂遜齊處鄆喪其寵身
臨 昏暮不行候待旦明從住止後未得相從

觀 安上宜官一日九遷升擢超等牧養常山
噬嗑去惡就凶東西多訟行者無功
賁 老馬垂耳不見百里君子弗恃商人莫取無與為市
剝 蝸螺生子深目黑醜似類其母雖或相就眾人莫取
復 百足俱行相輔為強三聖翼事王室寵光
无妄容民畜眾履德有信大人受福童蒙憂惑利無所得
大畜左跌右僵前躓觸桑其指據石傷其弟兄老蚕不作家無
織帛貴貨賤身久留連客
頤 昏人宜明賣食老昌國祚東表號稱太公
大過敝筭在梁魴逸不禁漁父勞苦藏空乾口
坎 盛中後跌衰老復掇盈滿減毀疾羸肥腩鄭昭失國重耳
與立

離 折亡破甕使我困貧與母生分別離異門
咸 野有積庾穡人駕取不逢虎狼暮歸其宇
恒 襁褓孩呱冠帶成家出門如賓父母何憂
大壯 陳力就列官職並廢手不勝益失其寵門
晉 積雪大寒萬物不生陰制庶士時本冬貧
明夷 龍闕時門失理傷賢內畔生賊自為心疾
家人 狗畏猛虎依人為輔三夫執戟伏不敢趨身安无咎
睽 南山高罌田隕難登道里遼遠行者无功憂不成凶惡亦
消去
蹇 逢時陽遂富且尊貴
解 求我所欲得其利福終身不辱盈盛之門高屋先覆君失
邦國

損 安坐至暮禍灾不到利詰奸妖罪人弗赦
益 膠車駕東與雨相逢五蔡解墮頓輶獨宿憂為身禍
夬 擇日高飛遂至東齊見孔聖師使我和諧
姤 陳媯敬仲兆興齊姜乃適營上八世大昌
萃 缺埒无墀難從東西毀破我盆泛弃酒食
升 中夜狗吠盜在廬外神光祐助消散解去
困 雷車不藏隱隱西行霖雨三旬流為河江使國憂凶
井 老河虛空舊井無魚利得不饒避患東隣禍入我門使我
悔存
革 福德之士歡悅日喜夷吾相國三歸為臣賞流子孫
鼎 清人高子久屯外野逍遙不歸思我慈母
震 驄驪黑鬣東歸高鄉白虎推輪蒼龍把衡朱雀導引虛烏

載遊逐扣天門入見真君馬安人全

艮路多枳棘步刺我足不利旅客為心作毒

漸端坐生患憂來入門使我不安

婦妹小販之市利不足喜二世積仁蒙其祖先匪躬之言狂悖

為患

豐登高望時見樂无憂求利南國與寶相得

旅疏足息肩有所忌難金城鐵廓以銅為關藩屏自衛安上

無患

巽江水沲汜思附君子伯仲受歸不我肯顧姪娣悔恨

允牙藥生達陽倡於外左手執籥公言錫爵

渙雲夢苑圃萬物蕃熾犀象玳瑁荆人以富

節渠戎萬里晝夜愁苦縻甲戎服雖荷不賊鷹鷂之殘害不

能傷

中孚鏃基逢時稷契臯陶貞良願得微子解囚市空無虎謾誕

妄語

小過騎騅與蒼南賈太行逢駁猛虎為所吞殤葬於渭陽

既濟出門東行日利時良步騎與駟經歷宗邦暮宿北燕與樂

相逢

未濟酒為歡伯除憂來樂福善入門與君相索使我有得

大壯之第三十四

大壯左有噬熊右有嚙虎前觸鋏矛後躡強弩無可抵者

乾金齒鐵牙壽考宜家年歲有儲貪利者得離其咎憂

坤家給人足頌聲並作四夷賓服干戈囊閣

屯獼猴冠帶盜載非位眾犬嘈吠狂走厥足

大壯

易林九

四

蒙 心患其身不念安存忠臣孝子為國除患
需 君不明德臣亂為惑丞相命馬胡亥失所
訟 東行西窮南北无功張伯賣鹿從者失羊
師 鹿下西山欲歸其羣逢羿箭鋒死於矢端
比 明夷兆初三日為災以讒後歸名曰豎牛剥亂叔孫餒卒
虛亡

小畜秦失嘉居河伯為恠還其御璧神怒不祐織組无文燒香
弗芬

履 德至之君禍不過隣使我世存身無患灾
泰 眾惡之堂相聚為殃出毒良人使道不通
否 三痴六狂欲之平鄉迷惑失道不知昏明
同人老弱无子不能自理郭氏雖憂終不離咎管子治國侯伯

之服乘輿八百尊祀祖德

大有褒后生蛇經老皆微追跌衰光酒滅黃離
謙 驄黑鬣東歸高鄉白虎推輪蒼龍把衡遂至夷傷不離

咎殃

豫 信譎龍且塞水上流半涉決囊楚師覆凶
隨 有莘季女為王妃后貴夫壽子母字四海
蠱 德被八表蠻夷率服蝥賊不作道無苛慝
臨 載日精光驟駕六龍祿命徹天封為燕王
觀 纓急縮頸行不得前五石示象襄霸不成
噬嗑蛇失其公載麻當喪哀悲哭泣送死離鄉
賁 回隕不安兵革為患掠我妻子客属飢寒
剥 乘風雨橋與鳥飛俱一舉千里見吾愛母

復 雷霆所擊誅者五逆磨滅無迹有惧方息

无妄張氏揖酒請謁左右王叔枯槁獨不蒙所王一作平

大畜坐爭立訟紛紛匈匈卒成禍亂災及家公

頤 霜降閉戶蟄虫隱處不見日月與死為伍

大過鼠聚生恠為我患悔道絕不通商旅失意

坎 寒暑不當軌度失常一前一後年歲鮮有

離 築室水上危於一齒丑寅不徙辰卯有咎

咸 畜雞養狗長息有儲耕田得黍王母喜舞

恒 東壁餘光數暗不明主母嫉妬亂我業事

遯 剛柔相傷火爛銷金鵬鷹制兔伐楚有功

晉 鄭國讒多數被楚憂商人愁苦民困無聊一本云三豕俱走闔于虎口白

豕不勝死于坎下

明夷弓矢其張把彈弦折丸發不至道過害患

家人舉觴飲酒未得至口側弁醉酗拔劍相怒武侯作悔

睽 **元缺此行**

蹇 **元缺此行**

蹇 穿空相宜利倍我北循邪說道逃不可得南北望邑遂歸

入室

解 壽如松喬與日月俱常安康樂不離禍憂

損 出門望東伯仲不來疾病為患使母憂歎

益 太姒之孫周文九子咸遂受成寵貴富有

夬 桃李花實累累日息長大成熟甘美可食為我利福

姤 婚禮不明男女失常行露反言出爭我訟

萃 空穿漏敞破桴殘缺陰弗能完瓦碎不全

升 數窮廓落困於歷室往登玉堂與堯侑食
困 道濕為坑轉陷躓疆南國作諱使我多畏
井 鰥寡孤獨福祿苦薄入室無妻武子哀悲
革 舉袂覆目不見日月衣衾杖机就其夜室
鼎 長尾踳地畫地為河深不可涉絕無以北惆然憤息
震 晨風文翰大舉就溫昧過我邑昇无所得
艮 出入節時南北无憂行者亟至在外歸來
漸 陽氏狂惑季孫亂憤陪臣執政平子拘折我心不快
歸妹 五鳥六鷗相對躡跂禮讓不興虞芮爭訟
豐 願念所生隔在東平遭離滿沸河川決潰幸得无恙復歸
相室
旅 追獵東走兔迹我後吾銳不利獨空无有

巽 犬吠非主上下膠擾敵人襲戰閔王逃走
允 嵩高岱宗峻直且神觸石膚寸千里蒙恩
渙 陳魚觀社佷荒踰矩為民開緒亡其祖考
節 四壁无戶三步一止東西南北利不可得
中孚 求君衣裳情不可當觸諱西行為伯生殃君之上歡得其
安存

小過 春鴻飛東以馬質金利可得深
既濟 禾生虫蠹還自剋賊使我无得

未濟 桀亂無道民散不聚倍室棄家逃遁出走

晉之第三十五

晉 銷鋒鑄耜休牛放馬甲兵解散夫婦相保
乾 一衣三冠无所加元衣服不來為我災患

坤 百足俱行相輔為強三聖翼事王室寵光

屯 魚蛇之怪大人憂懼梁君好城失其安居

蒙 少無強輔長不見母勞心遠思自傷憂苦

需 前涉溽暑解不可取離河三里敗我利市老牛病馬去之

何悔

訟 君明有德登天大祿布政施惠以感恩福中子南遊翱翔

未復

師 嗥然唯諾敬上尊容執恭除患禦侮致福

比 黍稷禾稻垂秀方造中旱不雨傷風病藁

小畜 三羸六罷不能越跪東賈失馬往反勞苦

履 倚立相望引衣欲莊陰雲蔽日暴雨祈集降我歡會使道

不通

泰 高脚疾步受肩善趨日走千里賈市有得

否 北風寒涼雨雪益冰憂思不樂哀悲傷心

同人 貞鳥鳴鳩執一无尤寢門治理君子悅喜

大有 蓼蕭露瀼君子龍光鳴鸞雍和福祿來同

謙 南行求福與喜相得封受上賞鼎足輔國

豫 桑華腐蠹衣弊如絡女功不成絲布為玉

隨 左服易右王良心歡嘉利從已

蠱 壽考不忘駕驛東行之適陳宋南賈楚荆得利息長旅自

多罷畏晝喜夜

臨 羔羊皮弁君子朝服輔政扶德以合萬福

觀 鸚鳩徙巢西至平州遭逢雷電破我葦蘆室家飢寒思吾

故初

姤 乘桴渡海免脫厄中雖困无咎

萃 孔鸞鴛鴦鵝鵝鵠鵠翱翔紫淵嘉禾之圃君子以娛

升 衆來得願甘露温潤樂易君子不逢禍亂

困 東騎墮落千里獨宿高岸為谷陽失其室

井 八才既登以成善功厖降庭堅國无憂凶

革 邯鄲反言父兄生患竟涉憂恨卒死不還

鼎 五銳鐵頤倉庫空虚賈市无盈與利為仇

震 白鳥銜餌嗚呼其子施技張翅來從其母

艮 學靈三年聖且明神先見善祥嘉吉福慶餌吉知來告我

无咎

漸 雲孽蒸起失其道理傷害年穀神君之精

歸妹 春耕有息秋入利福獻豸大猷以樂成功

大疑當作私

豐 羸豕躑躅虎入都邑遮遏左右國門救至

一作勅急

旅 東行西維南北善迷逐旅失群亡我襦衣

巽 居室之倫夫婦和親小人乘車碩果失豢

兌 東方孟春乘冰戴盆惧危不安終身所歡

渙 風吹塵起十里无所南國年傷不可安處

節 重載傷車婦失无夫三十不室獨坐空廬

中孚 敗牛羸馬與利為市不我嘉喜

小過 日出阜東山蔽其明章甫薦屨箕子佯狂

既濟 出入門所與道開通杞梁之信不失日中少季渡江來歸

其邦疾病危亡

未濟 邑兵衛師如轉蓬時居之危凶

明夷之第三十六

明夷他山之儲與璆為仇來攻吾城傷我肌膚邦家騷憂

乾 踐履寒氷十步九尋雖有苦痛不為憂病

坤 太公避紂七十隱處卒逢聖文為王室輔

屯 日月之塗所行必到无有患悔

蒙 諷德訟功美周盛隆旦輔成周光濟冲人

需 童女无室未有配合空坐獨宿

訟 穿鼻繫株為虎所拘王母祝祠禍不成災遂然脫來

師 黃帝神明八子聖聰佚受大福天下平康

比 深谷為陵衰者復興亂傾之國民得安息中婦病困遂入

冥室

小畜道遠遼絕路宿多悔頑鷲相聚生我畏惡

履 旦樹菽豆暮成藿羹心之所樂志快心歡

泰 切切之患凶憂不成虎不敢辭利當我身切切疑作切切

否 王伯遠宿長婦在室異袍侍食所求不得

同人 寒燠失時陽旱為災雖耗无憂

大有 雖窮復通履危不凶保其明功

謙 狼虎所宅不可以居為我患憂

豫 喋囁處耀昧冥相傳多言少實語無成事

隨 履氷蹈凌雖困不窮播雀登巖卒無憂凶

蠱 文文墨墨憂禍相雜南北失志東西不得

臨 爭訟不已更相談詢張季弱日被髮北走

觀 德積逢時宜其美才相明輔聖拜受福休長女不嫁後為

大悔

噬嗑 江水沱汜思附君子伯仲爰歸不我肯顧姪娣恨悔

賁 光禮春成陳寶雞鳴陽明失道不能自守消亡為咎
剝 驚虎無患虞為我言賴得以安
復 偽言妄語轉相誑誤不知狼處
无妄履悖自敵凶憂來到痛不能笑
大畜牽尾不前逆理失臣惠朔以奔
頤 三狸搏鼠遮遏前後死於環城不得脫走
大過言笑未卒憂來暴卒身墨丹索檻囚裝束
坎 陰積不已雲作淫雨傷害平陸民无室屋
離 山林麓藪非人所處鳥獸无禮使我心苦
咸 新作初陵踰蹈難登三駒推車跌頓傷頤
恒 鳧微愒愒行續聽絕曠然大通復更生活
遯 樂子作殃伯氏誅傷州犁奔楚去其邑鄉

大壯驕胡犬形造惡作凶无所能成還自滅身
晉 陳辭達城使安不傾增榮益譽以成功名
家人三祀无棗家无積莠使鳩求婦頑不我許
睽 慎禍重病顏子為友乃能安存牢戶繫羊乃能受慶
蹇 鹿得美草嗚呼其友九族和穆不憂飢乏
解 亡玉失鹿不知所伏利以避危全我生福甘雨時降年歲
有得
損 逢時得當身受福慶
益 鷓思其雄欲隨鳳東順理羽翼出次須日中留北邑復反
其室
夬 環堵倚鉏升升屬口貧賤所處心寒昨苦
姤 孤獨特處莫依為輔心勞志苦

萃一稷為堯使西見王母拜請百福賜我喜子長樂富有
升鳴條之郊北奔犬胡左衽為長國號匈奴王君旄頭立尊
單于

困絕而復通雖達不窮終得其願姬姜相從
井陽并悖狂拔劍自傷為身坐殃

革方圓不同剛柔異鄉掘井得石勞而无功

鼎乘風雨會與飛鳥俱動舉千里見我愛母

震三塗五岳陽城太室神明所扶獨无兵革

艮鷓鴣取婦深目窈身折腰不媚與伯相背

漸轉行軌執行近不遠旦夕入門與君咲言

歸妹求利難國逃去我北復歸其城不為吾賊

豐日月之途所行必到无凶无咎安寧不殆

難疑當作離

旅管仲遇桓得其願歡膠目啟牢振冠无憂咲戲不止空言

妄行豐之困

巽出入蹈踐動順天時俯仰有節禍災不來

兌内崩傷中上亂无恒雖有美粟我不得食

渙逐禍除患道德神仙過惡萬里福常在前身樂以安

節牛驚馬走上下渾擾鼓音不絕頃公奔敗

中孚西上九陂往來留連止須時日虛與有德

小過虎怒捕羊狷不能攘

既濟湧泉瀉瀉南流不絕卒為江海敗壞邑里家無所處將帥

襲戰獲其醜虜

未濟桃弓葦戟除殘去惡敵人執服

焦氏易林卷第九

易林

九

Blank page with faint bleed-through text from the reverse side.

焦氏易林卷第十

家人之第三十七

家人天命赤烏與君徽期征伐无道誅其君傲居止何憂

乾 千歲槐根身多斧癩傷癰擣理枝葉不出

坤 嘖嘖諤諤虎豹相齟懼畏悚息終无難惡

屯 娶於姜吕駕迎新婦少齊在門夫子歡喜

蒙 膏壤肥澤民人孔樂宜利居止長安富有

需 主有聖德上配大極皇靈建中授我以福

訟 耄老蒙鈍不見東西少者弗慕君不與謀懸輿致仕退歸

里居

師 三狂北行道逢大狼暮宿患澤為禍堪傷

比 更旦初歲振除禍敗新衣元服拜受利福

家人

易林

士礼居藏

小畜杲杲白日為月所食損上毀下鄭昭出走

履 君子失意小人得志亂擾並作姦邪充塞雖有百堯顛不可救

泰 仁德履洽恩及異域澤被殊方福慶隱伏作蚕不織寒无所得

否 東求金玉反得弊石名曰无宜字曰醜惡眾所賤薄

同人擊鼓合戰士怯叛亡威令不行敗我成功

大有仲春孟夏和氣所舍生我嘉福國無殘賊

謙 尹氏伯奇父子生離无罪被辜長舌為災

豫 三穀不熟民苦困極駕之新邑嘉樂有德

隨 登虛望貧暮食无食長子南戍與我生分

蠱 東市齊魯南賈荆楚羽毛齒革為吾利寶

臨 節情省欲賦斂有度家給人足公劉以富

觀 恭寬信敏功加四海辟去不祥喜來從母

噬嗑張狂妄作與惡相逢不得所欲生我獨凶

賁 畫龍頭頸文章不成甘言美語詭辭無名

剝 騎龍乘風上見神公彭祖受刺王喬讚通巫咸就位拜壽

無窮

復 温仁君子忠孝所在八國為隣禍災不處

无妄威權分離烏夜徘徊羣蔽目光大人誅傷

大畜學靈三年聖且明神先知善祥吉喜福慶神鳥來見告我

無憂

頤 東山家辭處婦思夫伊威盈室長股羸户歎我君子役日

未已

大過張頷開口舌直距齒然諾不行政亂无緒

坎 吹角高邦有夫失羊眾民驚惶警慎避咎勅不行殃

離 南行出城世得福祉王姬歸齊賴其所欲

咸 心狂老悖視聽聳類政令无常下民多孽

恒 安上宜官一日九遷踰羣超等牧養恒山

遯 東鄰嫁女為王妃后莊公築館以尊王母歸于京師季姜

悅喜

大壯六甲無子已喪其戊五丁不親庚失曾孫癸走出門

晉 陰霧不清濁政亂民孟秋季夏水壞我居

明夷騎豚逐羊不見所望經涉虎廬亡身失羔

睽 安牀厚褥不婦久宿弃我喜宴困於南國投杼之憂弗成

禍災

蹇 五方四維平安不危利以居止保有玉女

解 西賈巴蜀寒雪至轂欲前不得復反其室

損 剛柔相呼二姓為家霜降既同惠我以仁

益 天馬五道炎火分處往來上下住又駒亡衣柔巾麻相隨

哭歌凶惡如何

夬 出門懷憂東上禍上與凶相遇自為災患

姤 西行求玉冀得隋璞反見凶惡使我驚惑

萃 出門无妄動作失利銜憂懷禍使我多悴門一作入 至一作妄

升 高樓無柱顛僵不久紂失三仁身死牧野

困 避禍逃殃身外不傷高貴疾顛華落墮凶

井 張牙反目怒辭作怒狂馬燒犬道驚傷軫

革 泉涸龍憂箕子為奴干叔隕命殷破其家

鼎 向食飲酒嘉賓聚會牂羊大猪君子饒有
震 黃牛駢犢東行折角冀得百牂反亡我囊
艮 路多枳棘步刺我足不利旅客爲心作毒
漸 執斧破薪使媒求婦和合二姓親御斯酒居比鄰里姑公
悅喜
婦妹駕車出門順時宜西福佑我身安寧無患
豐 日新東從魁杓爲禍僕臺爲秦使我久坐
旅 山陵上墓奄魄室屋精光竭盡長卧无覺
巽 孩子貪餌爲利所悅探把釜甑爛其臂手
兌 何材待時閉户獨愁蚯蚓冬行解我无憂桑蚕不得女功
弗成
渙 解商驚惶散我衣裝君不安邦

節 害政養賊背主入愆跛行不安國危爲患
中孚 禍走患伏喜爲我福凶惡消亡災害不作
小過 老馬無駒病雞不雛三雌獨宿利在山北
既濟 播天舞地嘵亂神所居樂无咎
未濟 異國殊俗情不相得金木爲仇酉賊擅穀

睽之第三十八

睽 倉盈庾億宜稼黍稷年歲有息
乾 被服文衣遊觀酒池上堂見觴喜爲吾兄使我憂亡蹇之同人
坤 邑姜叔子天文在手實沉參墟封爲晉侯
屯 改柯易葉飯温不食豪雄爭強先者受福
蒙 馨香陟降明德上登社神佑顧命予大鄰
需 老狼白驢長尾大狐前顛卻躡進退遇崇

睽

易水

白

訟 山没丘浮陸爲水魚燕雀无廬
師 懿公淺愚不深受謀无援失國爲狄所賊
比 鼎湯其耳熱不可舉大塗塞壅旅人心苦
小畜凶聲醜言惡不可聞君子舍之往恨我心
履 昧暮乘車履危蹈溝亡失羣物摧折兩軸
泰 南有嘉魚駕黃取鱗魴鯁詡利來母憂
否 隔在九山往來勞難心結不通失其所歡
同人下流難居狂夫多罷貞良溫柔年歲不富
大有狐狸雉兔畏人逃去分走竄匿不知所處
謙 異體殊俗各有所屬西鄰孤嫗欲寄我室主母罵詈終不
可得
豫 怒非怨妬貪得腐鼠而呼鵲鷁自令失餌致被因患

隨 五心六意歧道多怪非君本志生我恨悔
蠱 三班六黑同室共食日長月息我家有德
臨 方船備水旁河燃火終身无禍
觀 翳屏獨語不聞朝市以利居服兔跛後聞
噬嗑以處不安從反觸患
賁 剝剝髡人所賤弃批捍之言我心不快
剝 臯田禾黍搥壤麻阜衣食我躬室家饒有
復 兩目失明日奪无光脛足跛躄不可以行頓於上傍
无妄金城朔方外國多羊履霜不時去復爲憂
大畜匿病不醫亂政傷災紂作淫虐商破其墟
頤 鬼泣哭枉悲傷無後甲子昧爽殷人絕祀
大過焱風卒起車馳袍褐弃古追亡失其和節心憂惛惛

坎 耄老失明聞善不從自令顛沛敗爲咎殃
離 隨風騎龍與利相逢田獲三狐商伯有功衝衝之邑長安
无他

咸 三牛五羊重明作福使我有得疾人官獄憂在心腹

恒 孟己乙丑哀呼尼父明德訖終亂害滋起

遯 華燈百枝消暗衰微精光訖盡奄如灰縻

大壯 鷹飛雉退兔伏不起孤張狼鳴野雞飛驚

晉 鬪戰天門身有何患室家具在不失其歡

明夷 東家殺牛行逆腥臊神背西顧命衰絕周亳社災燒宋人

夷誅

家人 陰陽辨舒二姓相合婚姻孔云生我利福

蹇 東入海口循流北走一高一下五邑无主十日六夜死於

水涖

解 孤竹之墟失婦无夫傷於疾藜不見其妻東郭棠姜武子

以亡

損 天戶東墟盡既爲災跼蹐黯聾秦伯受殃

益 賴先休光受福之祉雖遭亂潰獨不危殆

夬 折若閉目不見稚叔三足孤鳥遠去家室

姤 二人同室兄弟合食和樂相好各得所敬

萃 繼體守藩縱欲廢賢君臣淫遊夏氏失身側室之門福祿

來存

升 老狐屈尾東西爲鬼病我長女坐涕詘指或西或東大華

易誘

困 大樹之子百條共母當夏六月枝葉盛茂鸞鳳以庇召伯

避暑穉穉叩甚各得其所

井 井堙木刊國多暴殘秦王失戍壞其太壇

革 駕黃買蒼與利相迎心獲所守不累弟兄

鼎 庾億倉盈年歲安寧稼穡熟成

震 人生馬淵壽老且神飛騰上天舍宿軒轅居常樂安

艮 思顧所之乃令逢時洗我故憂拜我歡來

漸 魁罡所當初為敗殃君子留連困於水漿求金東山利在

代鄉賈市有息子載母行

婦妹鉛刀攻玉无不鑽鑿龍體其舉魯般為輔三仁翼事所求

必喜

豐 喜來如雲舉家蒙歡眾才君子駕福盈門

旅 響像无形骨體不成微行衰索消滅無名

巽 積水不温北陸苦寒露宿多風君子傷心

兌 黃馬綠車駕之大都讚達才能使我无憂

渙 從風放火艾芝俱死三害集聚十子患傷

節 一身三手无益於輔兩足共節不能克敏

中孚南向一室風雨並入塵埃積濕主母盲痺偏枯心疾亂我

家資

小過采薇出車魚麗思初上下促急君子懷憂

既濟先易後否告我利市騷蘇自苦思吾故止

未濟生宜地乳上皇大喜隆我祉福貴壽无極

蹇之第三十九

蹇 同載共輿中道別去喪我元夫獨與孤居

乾 叔盼拘寃祁子自邑乘遽解患羊舌免脫賴得全生

蹇

易本

七

坤 兔聚東郭衆犬俱獵圍缺不成无所能獲
屯 作室山根人以為安一旦崩頽敗我盤飧
蒙 疾風塵起亂擾崩始強大并小先否後喜
需 潔齊沐浴思明君德哀公怯弱風氏復北
訟 土瘠瘦薄培塿无栢使我不樂
師 褰衣涉河水深漬罷賴幸舟子濟脫无他
比 送我季女至于蕩道齊子旦夕留連久處
小畜三孫六子安无所苦中歲發殆亡我所使
履 揚風偃草塵埃俱起清濁溷散忠直隱處
泰 歷險登危道遠勞疲玄豕自歸因涉大波
否 六藝之門仁義俱存鎡基逢時堯舜為君傷寒熱温下至
黃泉

同人被服文衣遊觀酒池上堂見觴喜為吾兄使我憂亡
大有生時不利天命災至制於斧癩晝夜苦勤
謙 天門開闢牢户寥廓桎梏解脫拘囚縱釋
豫 川淵難遊水為我憂多言少實命鹿為駒建德開基君子
逢時利以仲疑
隨 鄉歲逢時與生為期枝葉盛茂君子无憂
蠱 六鷁退飛為衰敗祥陳師合戰左股夷傷遂崩不起霸功
不成
臨 雷君出裝隱隱西行霖雨不止流為巨江南國以傷
觀 牙孽生齒室蟠啓户幽人利貞鼓翼起舞
噬嗑火起上門不為我殘跳脫東西獨得生完不利出鄰病疾
憂患

賁 舉事无成不利出征言不可用衆莫能平
剥 老狼白驢長尾大狐前顛却躡進退遇祟
復 日入道極勞者休息班馬還師復我燕室
无妄林麓山藪非人所處鳥獸无禮使我心苦
大畜蓄利積福日新其德高氏飲食憂不爲患

頤 張羅百目鳥不得北縮頸掛翼困於窘國君子治德獲譽
受福

大過伯虎仲熊德義淵弘使布五教陰陽順序
坎 跛踦相隨日暮牛罷陵遲後旅失利亡雌
離 羸氏違良使孟尋兵師老不已敗於齊卿
咸 日月並居常暗且微高山萌顛上陵爲谿
恒 鳥鵲食穀張口受哺蒙被恩德長大成就柔順利貞君臣

合好

遯 雖躡復起不毀牙齒克免平復憂除无疾
大壯草木黃落歲暮无室虐政爲賊大人失福
晉 避凶東走反入禍口制於牙爪骨爲灰土
明夷欲飛不能志苦心勞福不我求
家人羔裘豹袂東與福遇駕迎吾兄送我鸛黃
睽 東耕破犁西失良妻灾害不避家貧无資
解 魚陸失所鳧蠅困苦澤无藿蒲晉國以虛
損 脫兔无蹄三步五罷南行不進後市身苦
益 行役未已新事復起姬姜勞苦不得休止
夬 向日揚光火爲正王消金厭兵雷車避藏陰雨不行民安
其鄉

始放銜垂轡奔馬不制弃法作奸君失其位
萃司命下游喜解我憂皇母緩帶嬰子笑喜
升黃帝出遊駕龍乘馬東上泰山南過齊魯郡國咸喜
困既往不說憂來禍結北戶爲患无所申雪
井荷蕢隱名以避亂傾終身不仕遂其潔清
華折挺春稷君不得食頭痒搔跟无益於疾
鼎植根不固華葉落去便爲枯樹
震凶門生患牢户多冤沙池秃齒使叔困貧
艮登山履谷與虎相觸謂爲功曹班叔奔北脫之喜國
漸麟鳳所翔國无咎殃賈市十倍復歸惠里
婦妹路險道難水過我前進往不利回車復還
豐延頸望邑恩歸其室臺榭不成未得安息

旅蒙生株瞿棘掛我須小人妬嫉使恩不遂
巽南至隱域深潛處匿聰明閉塞與死爲伍
允機餌設張司暴子良范叔不廉凶害及身
渙從騎出門遊戲空城阪高不進利无所得
節西國疆梁爲虎作狼東吞楚齊并有其王
中孚登山代輻虎在我側王孫无懼仁見不賊
小過六月睽睽各欲有望後來未壯俟時旦明
既濟道涉多阪牛馬蛇螭車不麗載請求不得
未濟一口三舌相妨无益羣羊百牂不爲威強亡馬失駒家耗
於財

解之第四十

解駕行出遊鳥鬪車前更相掙滅兵寇旦來回車亟還可以

无憂

乾 大都之居无物不具抱布買絲所求必得

坤 膠著木連不出牢關家室相安

屯 孟伯食長懼其畏王賴四蒙五抱福歸房

蒙 防輿疲駟不任銜轡君子服之談何容易

需 許嫁既婚利福在身適惠生桓為我魯君

訟 入門大喜上堂見母妻子俱在兄弟饒友

師 推車上山力不能任顛蹶蹉跌傷我中心

比 鴈飛退去不食其雛禽尚如此何況人與

小畜福弃我走利不可得幽人利貞終无怨慝

履 夫妻反目不能正室翁云于南姬言還北並后匹嫡二政

亂國

泰 陽衰伏匿陰淫為賊賴幸王孫遂至喜國

否 入山求玉不見和璞終日至暮勞无所得

同人 鳴鸞四牡駕出行狩合格有獲獻公飲酒

大有 覆手舉牘易為功力月正元日平飲致福

謙 三火高明雨滅其光高位疾顛驕恣誅傷

豫 畏糗荷糧與利相逢高飛有德君大獲福

隨 道理和得人不相賊君子往之樂有利福

蠱 水土相得萬物蕃殖膏澤優渥君子有德

臨 天孫帝子與日月處光榮於世福祿繁祉

觀 陪依在位乘非其器折足覆餗毀傷寶玉

噬嗑 鷓飛中退舉事不遂且守仁德猶免失墜

賁 賁 經棘正冠意盈不廉桀紂迷惑讒佞傷賢使國亂煩

剝 申酉退跌陰慝前作柯條花枝復泥不白
復 平正賤使主服苦事

无妄釣魴河湄水長无涯振手徒歸上下昏迷屬公孫齊
大畜胎養萌生始見兆形遭逢雷電摧角折頸采蠶山頭終安
不傾

頤 陽春枯槁夏多水潦霜雹俱擊傷我禾黍年歲困苦

大過三身六齒痛疾不已齟病蠹缺墮落其宅

坎 失恃无友嘉耦出走僕如喪狗

離 寅重微民歲樂年息有國无咎君子安喜

咸 登几上車駕駟南遊合散從橫燕秦以强

恒 鳥集茂木順柔利貞心樂願得感戴慈母

遯 啓蟄始生萬物美榮祉祿未成市賈无羸

大壯驕胡犬形造惡作凶无所能成還自滅身

晉 異國他土出良駿馬去如奔蠶害不能傷

永牙骨
為灰土

一作避亡東走
反入禍口制於

明夷恪敬竟職心不作慝君明臣忠民賴其福

家人三女求夫伺候山隅不見復關長思憂歎

睽 駕福乘喜東至嘉國戴慶南行離我室居

蹇 四姦為殘齊魯道難前驅執爻戒守无患

損 下擾上煩蠹蠱為患歲飢无年

益 雞雉失雛常畏狐狸黃池要盟越國以昌

夬 堅冰黃鳥終日悲號不見白粒但觀蓬蒿數驚蟄鳥孰為

我憂

姤 王銑鐵頤倉庫空虚市賈無盈與我為仇

萃 竊名盜位居非其家霜墮不實爲陰所賊
升 賊仁傷德天怒不福斬刈宗社失其本域
困 萬物初生蟄虫振起益壽增福日受其喜
井 和氣所在物皆不朽聖賢居位國无凶咎
革 麟游鳳舞歲樂民喜
鼎 行行窘步次宿方舍居安不懼姬姜何憂
震 水深難遊霜寒難涉商伯失利旅人稽留
艮 跛躄相隨日莫牛罷陵遲後旅失利亡雌
漸 一年九鎖更相牽攀案明如市不得東西請讞得報日中
被刑
婦妹春桃生花季女宜家受福多年男爲邦君
豐 雷鼓東行稼穡凋傷大夫執政君替其明

旅 季世多憂亂國淫遊殃禍立至民無以休
巽 發輓温湯過角宿房宜時布和无所不通
兌 水中大賈求利食子商人至市空无所有
渙 春草萌生萬物敷榮陰陽和調國樂无憂
節 左眇右盲目視不明下民多孽君失其常
中孚悅以内安不利出門憂除禍消公孫何尤
小過丹書之信言不負語易我麟驥君子有德
既濟上政搔擾螟虫並起害我嘉穀年歲无稷
未濟干旄旌旗執職在郊雖有寶珠无路致之

生盧屯之

小畜從足去域飛入陳國有所畏避深藏遂匿

履海為水宗聰明且聖百流歸德无有叛逆常饒優足

泰夏麥麩霜擊其芒病君敗國使年大傷泰之

否秋隼冬翔數被嚴霜雄父夜鳴家憂不寧

同人樂仁上德東鄰慕義來安吾國

大有逐憂除殃汚泥生梁下田為汪

謙暗昧冥語轉相誑鬼魅所居誰知卧處

豫南歷玉山東入玉關登上福堂飲萬歲漿

隨比目四翼來安我國福善上堂與我同牀

蠱乘牛逐驥日暮不至路宿多畏亡其駢騅

臨元吉无咎安寧不殆

觀奮翅鼓翼翱翔外國逍遙徙倚來歸温室

噬嗑河伯娶婦東山氏女新婚三日浮雲洒雨露我管茅萬家

之祐

賁嬰兒求乳慈母歸子黃麕悅喜得見甘飽

剝貧鬼守門日破我盆毀罌傷瓶空虛無子

復多載重負損弃於野予無稚子但自勞苦

无妄雄狐綏綏登山崔嵬昭告顯功大福允興

大畜嬰兒孩笑未有所識彼童而爭亂我政事

頤十九丸同投為雉所維獨得跳脫完全不虧

大過狐濟濡尾求橘得枳季妣懷悔鮑舍魚鳧

坎跌足息肩所忌不難金城銅郭以缺為關藩屏周衛安止

无患

離 戴堯扶禹松喬彭祖西過王母道路夷易无敢難者訟之家
咸 京庾積聚黍稷以極行者疾至可以厭飽
恒 良天孔姬魯惺登臺樂季不扶叔輒走逃
遯 天之所予福祿常在不憂危殆
大壯行觸天綱馬死車傷身无慘賴困窮乏糧
晉 鉛刀攻玉堅不可得盡我筋力牴蠶為疾
明夷穆違百里使孟奮武將軍師戰敗於穀口
家人有人追亡鳥言所匿不旅日得
睽 府藏之富王以賑貸捕魚河海苟罔多得
蹇 鴻飛遵陸公婦不復伯氏客宿
解 鳧過稻廬甘樂廣鱗雖驚不去田畷懷憂
益 兩師娶婦黃岩季子成禮既婚相呼面南膏澤應時年豐

大喜

夫 蓄積有餘奠土不居美哉輪奐出有高車
始 重門擊柝介士守護終有他道雖驚不懼
萃 大都王市稠人多寶公孫宜賈其貸萬倍
升 秋隼冬翔數被嚴霜甲兵當庭萬物不生雄犬夜鳴民擾
以驚
困 招禍致凶來螫我邦痛在手足不得安息
井 秦失其鹿疾走先得勇夫慕義君子變服
革 山陵四塞逼我逕路欲前不得復還故處
鼎 一指食肉口无所得舌噤於腹
震 晨夜驚駭不知所止皇母相佑卒得安處
艮 豺狼所言語无成全誤我白馬使乾口來

漸 呼精靈來 鬼生无憂 疾病愈瘳 解我患愁
婦妹牧羊 逐兔使魚 相捕任非 其人卒歲 无功不免 辛苦

豐 堂祥上樓 與福俱居 席地妃治 國安无憂

旅 禹召諸神 會稽南山 執玉萬國 天下康安

巽 太姒文母 乃生聖子 昌發受命 為天下主

允 兩置同室 兔无誰告 與狂相觸 蒙我以惡

渙 桃雀竊脂 巢於小枝 動搖不安 為風所吹 寒恐悚慄 常憂

殆危

節 陽春長日 萬物華實 樂有利福 一作春陽盛長萬物成實福利所鍾忻忻過日

中孚 鄰不我顧 而望玉女 身疾瘡癩 誰肯媚者

小過 涸旱不雨 澤竭无流 魚鱉乾口 皇天不憂

既濟 狼虎之鄉 日爭凶訟 受性貪饕 不能容縱

未濟 陰注陽疾 水離其室 舟楫大作 傷害黍稷 民飢於食 亦病

心腹

益之第四十二

益 文王四乳 仁愛篤厚 子畜十男 无有折夭

乾 下堂出門 東至九山 逢福值喜 得其安閑

坤 城上有烏 自名破家 招呼鳩毒 為國患災

屯 伯虎仲熊 德義淵聞 使敷五教 陰陽順序

蒙 飲酒醉酣 跳起爭鬪 手足紛拏 伯傷仲僵 東家治喪

需 四目相視 稍近同機 日昃之後 見吾伯姊

訟 隨時逐便 不失利門 多獲得福 富於封君

師 隴西冀北 多見駿馬 去如疾颺 害不能傷

比 白龍黑虎 起伏俱怒 蚩尤敗走 死於魯首 同人之比 蒙之坎

小畜鴻飛戾天避害紫淵雖有鋒門不能危身

履平國不君夏氏作亂烏號竊發靈公隕命

泰江漢上游政逆民憂陰伐其陽雄受其殃

否東家殺牛聞臭腥臊神怒不顧命衰絕周亳社灾燒妄夷

誅愁

同人西誅不服恃強負力倍道趨敵師走敗覆

大有一婦六夫亂擾不治張王季疾莫適為公政道壅塞周君

失邦

謙配合相迎利之四鄉昏以為期明星煌煌欣喜爽澤所言

得當

豫猿墮高木不踣手足握金懷玉還歸其室

隨卷領遁世仁德不害三聖攸同周國茂興

蒙之隨訟之
艮否之臨
震需之震

蠱去患脫厄安无怵惕上福喜堂見我懽悅

臨帶季兒良明知權兵將師合戰敵不能當趙魏以強

觀鵠思其雄欲隨鳳東順理羽翼出次須日中留北邑復反

其室

噬嗑耳如驚鹿不能定足室家分散各走匿竄

賁甲乙丙丁俱位我庭三丑六子入門見母

剝躡華顛觀浮雲風不搖雨不薄心安吉无患咎

復德施流行利之四鄉雨師洒道風伯逐殃巡狩封禪以告

成功

无妄水流趨下遂成東海求我所有買鱸與鯉

損之需

大畜和氣相薄膏潤津澤生拔嘉穀

頤憂驚以除禍不成災安全以來

大過堅冰黃鳥常哀悲愁不見白粒但覩藜蒿數驚鷲鳥飄為
我憂

坎 翁翁鞫鞫實墜巖顛滅其命身泰之謙 否之離

離 因禍致福喜盈其室

咸 佳居千里不見河海无有魚市

恒 鹿得美草嗚呼其友九族和睦不憂飢乏同人 之蹇

遯 出門得堂不逢禍殃入戶自若不見予戟

大壯 豐尊重席命我嘉客福祐久長不見禍殃

晉 鳴鴻俱飛北就魚池鱸鮓鯉多饒所有一筍獲兩利之

過倍

明夷 當風奮翼與鳥飛北入我嘉國見吾慶室

家人 麒麟鳳凰善政得祥陰陽和調國无災殃

睽 逐狐東山水過我前深不可涉失其後便

蹇 丑戌亥子飢饉前生陰陽暴客水絕我食

解 狐狸雉兔畏人逃去分走竄匿不知所處

損 桀跖惡人使德不通炎旱為殃年穀大傷

夬 兔乳在室行來雀食虎惧我子長號不已

姤 土階明堂禮讓益興雄一相得使民无疾疾一作疾

萃 送金出門并失玉丸往來井上破甕壞盆

升 諷德誦功美周盛隆加其兵輔光濟冲人

困 盜竊滅身貳母不親王后無黨毀其寶靈

井 六目駸駸各欲有至專止亦來候侍旦明

革 雀行求粒誤入罟罟賴仁君子復脫歸室

鼎 仁德孔明患禍不傷期誓不至三人銜恤

震 龜厭江海陸行不止自令枯槁失其都市雖憂無咎
艮 孤獨特處莫依為輔心勞志苦

漸 伯仲言留叔子云去雖自无咎主母大喜

歸妹 初憂不安後得笑懼雖懼无患

豐 好戰亡國師不以律稱上殞墜齊侯狼戾其被災崇

旅 鹿在澤陂豺傷其麋泣血獨哀

巽 天地閉塞仁智隱伏商旅不行利潤難得

兌 福德之士歡悅日喜夷吾相桓三婦為臣賞流子孫

渙 上无飛鳥下乏走獸亂擾未治民勞於事

節 據斗運樞順天无憂與樂並居謙之觀

中孚 戴瓶望天不見星辰顧小失大福逃廬外

小過 月削日衰工女下機宇宙滅明不見三光

既濟 操戟刺魚被髮立憂虎脫我衣狼取我袍亡馬失財
未濟 兩人俱醉相與悖戾心乖不同爭訟凶凶

夬之第四十三

夬 戴堯扶禹松喬彭祖西過王母道里夷易无敢難者

乾 狼戾美謀无言不殊允厭帝心悅以獲佑

坤 歲暮花落陽入陰室萬物伏匿絕不可得

屯 雞鳴失時君騷相憂犬吠不休行者稽留

蒙 鳧鷖遊涇君子以寧履德不愆福祿來成

需 薄為藩蔽勁風吹却欲上不得復歸其宅

訟 東行破車步入危家衡門垂倒无以為主賣袍續食糟糠
不飽

師 青牛白咽呼我俱田歷山之下可以多耕歲稔時節民人

安寧

比 異國殊俗情不相得金木為仇百賊擅殺
小畜陰陽精液高熟晚拆治卯成鬼肇生頭目日有大喜
履 飢蠱作害偏多亂纏緒不可得
泰 清冷如雲為兵導先民人寃急不知西東
否 班馬旋師以息勞疲役夫嘉喜入戶見妻
同人坐爭立訟紛紛匈匈卒成禍亂灾及家公
大有鹿食美草逍遙求飽日暮後門過期乃還肥澤且厭
謙 田鼠野雞意常欲去拘制籠檻不得搖動
豫 月趨日步周遍次舍歷險致遠无有難處
隨 天孫帝子與日月處光榮於世福祿祉社
蠱 晨風文翰大舉就温昧過我邑昇无所得

臨 旦生夕死名曰嬰鬼不可得視
觀 疾貧望仕使伯南販開牢擇羊多得大牂
噬嗑長城驪山生我大殘涉叔發難唐叔為患
賁 娶於姜呂駕迎新婦少齊在門夫子歡喜
剝 隨時春草舊枝葉起扶疎條桃長大美盛華沃鑠舒
復 姬姜既歡二姓為婚霜降合好西施在前
无妄戴笠獨宿晝不見日勤苦无代長勞悲思
大畜始加元服二十繫室新婚既樂伯季有得
頤 二室靈臺文所止遊雲物備故長樂无憂
大過久陰霖雨塗行泥潦商人依山市空无有
坎 城壞壓境數為齊病侵伐不休君臣擾憂上下屈竭士民
無財

離南國盛茂黍稷醴酒可以饗養樂我嘉友
咸一憂在心腹內崩為疾禍起蕭牆意如制國
恒一朽根則樹花葉落去卒逢火焱隨風僵仆
遯樹表為壇相與期言午中不會寵名弃廢
大壯四足俱走奴疲在後德戰不勝敗於東楚
晉執轡西朝回還故處麥秀傷心叔父无憂
明夷長夜短日陰為陽賊萬物空枯藏於北陸
家人鳴鳩七子均而不殆長大成就弃而合好
睽三羊上山馳至大原黃龍負舟遂到夷傷究其玉囊
蹇手足易處頭尾顛倒公為雌嫗亂其蚕織
解登高望家役事未休王政靡盬不得逍遙
損畏昏不行候待旦明燎獵受福老賴其慶

益孤獨特處莫依无輔心勞志苦
姤山石朽破消崩墮上下離心君受其祟
萃文母聖子無疆壽考為天下主人受其福
升僂傀加俄前後相違言如鯨咳語不可知
困五龍俱超強者敢走露我苗稼年歲大有
井虎除善猛難為功醫驥疲鹽車困於銜筭
革江南多蝮螫於手足寃煩詰屈痛徹心腹
鼎心无所據射鹿不得多言少實語成无事
震君明主賢鳴求其友顯德之政可以履事
艮安上宜官一日九遷踰羣越等牧在常山
漸一俊辭解謝除去垢污驚之成患嬰氏驛殘
婦妹翁狂嫗盲相牽北行欲歸高邑迷惑不得

豐 醉卧道傍迷且失明不全我生
旅 北登鬼丘駕龍東遊王叔御后文武何憂
巽 恬淡无患遊戲道門與神往來長樂以安
兌 以緡易絲抱布自媒弃禮急情卒罹悔憂
渙 被服大冠遊戲道門以禮相終身无殃患
節 大麓魚池陸爲海涯君子失行小人相携
中孚淵泉溢出爲我邑崇道路不通孩子心憤
小過十里望烟散渙四分形體滅亡可入深淵終不見君
既濟傳言相誤非奸徑路鳴鼓逐狼不知迹處
未濟東失大珠西行弃襦時多不利使我後起
始之第四十四
始 河伯大呼津不可渡往復爾故乃无大悔

乾 蒙被恩德長大成就柔順利貞君臣合好
坤 東山西山各自止安心雖相望意不同堂
屯 登山上谷與虎相觸獨爲功曹班叔奔北脫之嘉國
蒙 躓跛未起失利後市
需 結珠懷履卑斯以鬼爲君奴婢
訟 雞鳴失時民僑勞苦庖吠有威行者留止
師 陳媯敬仲示兆興姜乃寓營丘八世大昌
比 鹿畏人匿俱入深谷短命不長爲虎所得死於牙腹
小畜言无約結不成契券殷叔季女公孫爭之強入委禽不悅
於心乃適子南
履 鼓瑟歌舞懽遺於酒龍喜張口大喜在後
泰 凶憂災殃日益章明禍不可救三郤夷傷

否 水流趨下遂成東海求我所有買鱸與鯉
同人陰為陽賊君不能尅舉動失常利无所得
大有離床失案龜喪其願都市无會叔季懷恨
謙 壅遏隄防水不得行火慎陽光陰霓伏藏走歸其鄉
豫 蹙屈復伸本乘浮雲貴寵母前
隨 實沉參虛以義斷割次陸服薪成我霸功
蠱 金泉黃寶宜與我市娶嫁有息利得過母
臨 禹召諸侯會稽南山執玉萬國天下康寧
觀 三虫作蠱踐跡无與勝母盜泉君子不處
噬嗑花葉墮落公婦嫗宅夷子失民潔白不食
賁 履機懼毀身王子廢終得所欲无有凶害
剝 道理和德仁不相賊君子攸往樂有利福

復 合匏同牢姬姜並居

无妄關雎淑女賢妃聖偶宜家壽母福祿長久
大畜騏驥晚乳不知子處旋動悲鳴痛傷我心
頤 智崑絕理陰孽謀生十日不食困於申亥

大過監諸攻玉无不穿鑿麟鳳成形德象君子三仁異事所求
必喜

坎 昧暮乘車以至伯家踰梁渡河濟脫无他

離 吾有黍梁委積外場有用服箱運致我藏富於喜糧

咸 喜笑且語不能掩口官爵並至慶賀盈戶

恒 霧露雪霜日暗不明陰孽生疾年穀大傷

遯 伯去我東髮擾如蓬寤寐長歎展轉空牀内懷悵恨摧我
肝腸

大壯亡羊補牢毋損於憂

晉 販鼠賣卜利少无謀難以得家

明夷西戎爲疾幽君去室陳子發難項伯成就
家人秋風生哀花落生悲公室多難羊舌氏衰
睽 持福厭患去除天殘日長夜盡喜世蒙恩
蹇 新授大喜福復重來樂且日富是惟豐財
解 前頓却躓左跌右逆登高安梯復反來歸
損 夢飯不飽酒未入口嬰女雖好媒鴈不許
益 大都王市稠人多寶公孫宜賈資貨萬倍
夬 兩人俱醉相與悖戾心乖不同爭訟匆匆
萃 身无頭足超躑空垂不能遠之中道廢休失利後時
升 三人俱行六目光明道逢淑女與我驥子

困 進仕爲官不若復田獲壽保年

井 先易後否失我所市騷蘇自苦思吾故土

革 蘇氏發言韓魏无患張子馳說燕齊以安

鼎 武庫軍府甲兵所聚非里邑居不可舍止

師之蹇

震 一身三口莫適所與爲孺子牛田氏主咎

艮 西山東山各自止安心雖相望竟未上堂

漸 不改柯葉和氣中適君子所在安无怵惕

歸妹 將戍擊亥陽藏不起君子散亂太山危殆

豐 天官列宿五神舍室宮闕完堅君安其居

旅 左手把水右手把火如光與鬼不可得從

巽 逐狐東山水過我前深不可涉失利後便

兌 水瀆魚室來灌吾邑衝沒我家與狗俱遊

易林卷十一
十三
渙 山險難登澗中多石車馳轄擊重載傷軸擔負善躓跌踣
右足

節 槽空无實豚彘不食庶民屈竭離其居室
中孚執熱爛手火為災咎公孫无賴敗我玉寶
小過三虎上山更相噬嚙心志不親如仇與怨
既濟西家嫁子借隣送女嘉我淑姬賓主俱喜
未濟克身潔已逢禹巡狩錫我玄圭拜受福祉

焦氏易林卷第十一

焦氏易林卷第十二

萃之第四十五

萃 蒙慶受福有所獲得不利出城病人困棘
乾 碩鼠四足飛不上屋顏氏淵德未有爵祿
坤 新受大喜福履重職樂且日富
屯 赴身整已逢禹巡狩錫我玄圭拜受福祉
蒙 置筐失筥輪破无輔家伯為政病我下土
需 機言不發頑不能達齊魯為仇亡我葵丘
訟 亡錐失斧公輸无輔抱其彝器適君子處
師 家在海隅撓短深流伯氏難行无目以趨
比 德施流行利之四鄉雨師洒道風伯逐殃巡狩封禪以告
成功

小畜筐傾筭覆喪我公粒簡伯无禮太師正食
履 泥滓污辱弃捐溝瀆為眾所笑終不顯祿
泰 獼猴兔走腥臊少肉漏卮承酒利无所得
否 一鹿畏人藏俱入深谷命短不長為虎所得死於牙腹
同人南山蘭芝君子所有東家淑女生我玉寶
大有左指右揮邪佞侈靡執節无良靈君以亡
謙 鬱快不明為濕所傷眾陰羣聚共奪日光
豫 穿鼻繫棘為虎所拘王母祝禱禍不成災突然脫來
隨 貧鬼守門日破我盆毀甕傷缸空虛无子
蠱 襄王叔帶鄭人是賴莊公卿士皇母憂苦
臨 昭君死國諸夏蒙德異類既同宗我王室
觀 冬數枯腐常風於道蒙被塵埃左右勞苦

噬嗑六爻既立神明喜告文定吉祥康叔受福
賁 泣涕長訣我心不快遠送衛野歸寧无子
剝 三宿无主南行勞苦東里失利喪其珍寶本卦 遯同
復 大斧破木讒佞敗國東閭梁王禍及三子晉人亂邑懷公
出走

无妄乘風上天為時服軒周旋萬里无有患難
大畜大樹百根北與山連文君作人受福萬年
頤 陽伏在下陰制祐福生不逢時潛龍隱處
大過亂頭多憂搔虱生愁膳夫仲尹使我无聊
坎 江河淮海天之都市商人受福國家富有
離 泰山幽谷鳳凰游宿威儀有序可以來福
咸 山水暴怒壞梁折柱稽難行旅留連愁苦

恒 阿衡服箱太一載行巡時歷舍所之吉昌
遯 三宿无主南行勞苦東里失利喪其珍寶本卦剝同
大壯 生无父母出門不喜買菽失粟亡我大乘
晉 安坐玉堂聽樂行觴飲福萬歲日受無疆
明夷 登危入厄四時變易春霜變雪物皆凋落
家人 衣穴履穿无以禦寒細小貧窶不能自存
睽 目不可合憂來搔足悚惕恐懼去其邦域
蹇 賈貝贖狸不聽我辭繫於虎鬚牽不得來
解 伯夷叔齊貞廉之師以德防患憂禍不存聲芳後時
損 張王子季爭財相制商君頑嚚不知所申
益 長城既立四夷賓服交和結好昭君受福
夬 千歡萬悅舉事為決獲受嘉慶動作有得

始 種一得十日益有息仁政獲民四國睦親
升 安子富有東國不殃齊鄭和親顯比以喜
困 九里十山道仰峻難牛馬不前復反來還
井 鳩杖扶老衣食百口增添壽考凶惡不起
革 霧露雪霜日暗不明陰孽為疾年穀大傷
鼎 迷行數邪不知東西陰強暴逆道理不通
震 登高上山見王自言信理我寃得職蒙恩
艮 三世為德天祚以國封建少昊魯侯之福
漸 喬木无息漢女難得橘柚請佩反手難悔
歸妹 東隣西家來即我謀中告吉誠使君安寧
豐 褰衣出户心欲北走王孫母驚使我長生
旅 三日不飲遠水无酒晝夜焦喉傷鬼為咎

巽 眾口銷金愆言不驗腐臭敗兔入市不售
允 姬冠應門與伯爭言東家失狗意我不存爭亂忘因絕其
所歡

渙 祚加明德與我周國公劉文母福流子孫
節 針頭刺手百病瘳愈抑按捫灸死人復起
中孚元龜象齒大賂為寶稽疑當否衰微復起
小過故室舊廬消散無餘不如新創可以樂居
既濟老狐多態行為盡怪驚我主母終無咎悔
未濟愛子多材起迹空虛避害如神水不能濡

升之第四十六

升 禹鑿龍門通利水泉東注滄海民得安全
乾 白鹿鳴呦呼其老小喜彼茂草樂我君子

坤 百里南行雖微得明去虞適秦為穆國卿
屯 王宜孫喜張名益有龍子善行西得大壽
蒙 畫龍頭頸文章不成所求不得失利後時
需 商子无良相怨一方引剛交爭咎自以當
訟 衰老困極无齒不食痔病瘡瘵就陰為室
師 鳶生會稽稍巨能飛翱翔桂林為眾鳥雄
比 安平不傾載福長生君子以寧
小畜牛驥同槽郭氏以亡國破為墟君奔走逃
履 日中明德盛典兩國仁聖會遇君受其福臣多榮祿
泰 公劉之居太王所業可以長生拜受福爵
否 時凋歲霜君子疾病宗女无辜鄭受其殃
同人濟河踰阨脫母怵惕四叔為衛使惠不廢

升

易林

四

大有缺破不完殘瘵側偏公孫幽遏跛躄後門
 謙 延頸遠望昧為目病不見叔姬使伯憂心
 豫 上无飛鳥下无走獸擾亂未清民勞於事
 隨 久陰霖雨塗行泥潦商人休止市空无有
 蠱 盲者張目跛躄起行瞻望日月與王相迎
 臨 據斗運樞高步六虛權既在手寰宇可驅國大無憂與樂
 並居

觀 稼穡不偏重過不傾巧言賊忠傷我申生
 噬嗑金城鍊郭上下同力政平民親寇不敢賊
 賁 目鏡不明冬災大傷盜花失實十年消亡
 剝 鰥寡孤獨命祿苦薄入室无妻武子悲哀
 復 飲酒醉飽跳起爭鬪伯喪叔僵東家治喪

无妄介紹微子使君不殆二國合歡燕齊以安
 大畜牽牛繫尾詘折幾死彫世无仁不知所在
 頤 東龍寃獨不知所觸南北困窮王子危急
 大過疾貧王孫北陸无禪祿命苦薄兩事孤門
 坎 公孫駕驪載遊東齊延陵說產遺季紵衣
 離 王良善御伯樂知馬文王東獵獲喜聖事開福佑賢周發
 興起
 咸 日月不居重耳趨舍遊燕入秦晉國是霸
 恒 假文翰翼隨風偕北至虞夏國興愛相得年歲大樂邑无
 盜賊
 遯 南行無遯延頸後食舉止失利累為子孫
 大壯開元作喜建造利事平準貨寶海內殷富

晉 三犬俱走闕於谷口白鷺不勝死於坂下
明夷驕胡犬形造惡作凶无所能成還自滅身
家人拜跪贊辭无益於尤大夫頑嚚使我生憂
睽 辰以降婁王駕巡狩廣佑施惠萬國咸喜
蹇 牽踰上樓與福俱居勞躬治國安樂无憂
解 白鳥銜餌嗚呼其子挾施張翅來從其母
損 盲瞽獨宿莫與共食老窮於人病在心腹
益 登木出淵稍上升天明德孔聖白日載榮
夬 彭離濟東遷廢上庸狼戾无節失其寵功
姤 讚陽上舞神明生氣拜禹受福君施我德
萃 從首至足部分為六室家離散逐南乞食
困 民迷失道亂我統紀空使乾革賓无所有

井 刻畫為飾嫫母無鹽毛嫱西施求事必得
革 居諸日月遇暗不明長夜喪中絕其紀綱
鼎 衣裳顛倒為王來呼成就東國封受大休
震 當變立權適解患難渙然冰釋六國以寧
艮 西戎獯鬻病於我國扶陝之岐以保乾德
漸 南行逐羊子利喜亡陰孽為病復返其邦
歸妹 遊戲仁德日益有福凶言不至妖孽滅息
豐 春日新婚就陽曰温喜樂萬歲獲福有年
旅 陰升陽伏舜失其室相飾不食安巢如棘
巽 臣尊主卑威權日衰侵奪无光三家逐公
兌 反言為殲戎女生患亂吾家國父子相賊
渙 迎福開戶喜隨我後康伯愷悌治民以禮

節 日就月行昭明有功靈臺歡賞膠鼓作人

中孚百草嘉卉萌芽將出昆虫扶戶陽明得所

小過天所佑功萬國日有福至禍去壽命長久

既濟窮夫失占惟守弊廬初憂中懼終日兢兢无悔无虞

未濟買玉石失其所欲荷蕢擊磬隱世无聲

困之第四十七

困 席多糾刺不可以卧動而有悔言行俱過

乾 烏鵲合穀張口受哺蒙被恩德長大成就柔順利貞君臣

合好

坤 六鷁退飛為襄敗祥陳師合戰右股夷傷遂以薨崩霸功

不終

屯 匍匐出走驚惶悼恐白虎王孫蓐收在後居中无咎

蒙 庇廬不明使孔德妨女孽亂國虐政傷仁

需 石鼠四足不能上屋顏氏淑德未有爵祿

訟 襄送季女至於蕩道齊子旦夕留連久處

師 麇鹿逐牧飽婦其居還反次舍樂得自如

比 望尚阿衡太宰周公藩屏湯武立為侯王

小畜開廓洪緒王迹所基報以八子功得俟時

履 八會大都饒富有餘安民利國可以長居八疑當作入

泰 陰雲四方日在中央人雖昏霧我獨昭明

否 薄為災虐風吹雲却欲上不得復歸其宅

同人昭昭略略非忠信客言語反覆以黑為白

大有三女為姦俱遊高園背室夜行與伯笑言禍及乃身寃死

誰禱

謙 涉尸留鬼大芥所視文昌司過簡公亂死

豫 大足長股利出道困倉充盈疏齒善市宜錢富家事得

萬倍

隨 筐筥錡釜可活百口伊氏鼎俎大福所起

蠱 升高登虛欲有望候駕之北邑與喜相扶

臨 用彼嘉賓政平且均螟虫不作民得安寧

觀 桃夭少葉婚悅宜家君子樂胥長利止居

噬嗑 東行失旒不知所處西歸无妃莫與笑語

賁 玩好亂目巧聲迷耳賊敗貞良君受其咎

剝 明德孔嘉萬歲无虧駕龍巡狩王得安所

復 同本異葉樂仁尚德東鄰慕義來興吾國

无妄 戴山崔嵬曰高无頽君主好德賜以家國

大畜 築室合歡千里无患周公萬年佑我二人

頤 養雞生雛畜馬得駒明堂太學君子所居

大過 雷行相逐无有休息戰于平陸為夷所覆

坎 委蛇循河北至海涯涉歷要荒君世无他

離 鴻聲大視高舉神化背昧向明以道福功

咸 比目四翼來安吾國福喜上堂與我同床

恒 先穀蠹季反謀桓子不從元帥遂行挑戰為荆所敗

遯 三頭六足欲盜東國顏子在邇禍滅不成

大壯 綠山升木中墮於谷子輿失勞黃鳥哀作

晉 南有嘉魚駕黃取鱗魴鯉瀾瀾利來无憂

明夷 遠氣作雲蒙覆大君塞聰閉明殷人賈傷

家人 舉翅攄翼跂望南國延頸卻縮未有所得

睽 坎中蝦蟆乍盈乍虛三夕二朝形消无餘

蹇 僮子射御不知所定質疑著龜孰知所避國安土樂宜利

止居兵寇不至民无騷擾

解 陰淫寒疾水離其室舟楫大作傷害黍稷民飢於食不无

病厄

損 離友絕朋巧言讒匿覆白汚玉顏叔哀哭

益 童女无媒不宜動搖安其室盧傳母何憂

傳一作傍

夬 作凶作患北檄困貧東與禍連傷我老根

姤 東南其戶風雨不處睠睠仁人父子相保

萃 被髮獸心難與比隣來如飄風去似絕絃為狼所殘

升 天覆地載日月運照陰陽允作方內四富

井 桀亂无道民散不聚背室棄家君孤出走

革 申酉稷射陰慝萌作柯蔭載牧泥塗不白

鼎 蹀躞足傷右指病瘍失旅後時利走不來

震 四足俱走驚疲在後戰既不勝敗於東野

艮 塗行破車醜女无媒莫適為耦孤困獨居

漸 搏髀大笑不知憂懼開立大路為主所召

歸妹 伯圭東行與利相逢出既遭昧孰不相知憂不成凶

豐 東行賊家鄭伯失辭國无貞良居受其殃

旅 前屈後曲形體飭急絞黑大索困於清室

巽 鼓腋大喜行婚飲酒嘉彼諸姜樂我皇考

兌 國將有事狐嘈向城三日悲鳴邑主大驚

渙 明德克敏重華貢舉放勳徵用公哲蒙佑
節 秋隼冬翔數被嚴霜甲兵充庭萬物不生雄父夜鳴民大

擾驚

中孚絲紵布帛人所衣服摻摻女手紡績善織南國饒足取之

有息

小過鳳有十子同巢共母仁聖在位權以相保興彼周魯

既濟雄雞不晨雌雞且伸志庇心離三旅出哀

自取凶咎

井之第四十八

井 躓跛未起失利後市不得鹿子

乾 左輔右弼金玉滿堂常盈不亡富如教倉

坤 兩師娶婦黃岩季子成禮既婚相呼而婦潤澤田里

屯 螟虫為賊害我稼穡盡禾殫麥秋無所得

蒙 跛躓難步遲不及舍露宿澤陂亡其襦袴

需 大夫行父无地不涉為吾相土莫如韓樂可以居止長安

富有

訟 少孤无父長失慈母悻悻莫與為福

師 側弁醉客重舌作凶披髮夜行迷亂相誤亡失居止

比 馬驚破處王孫沉溝身死竟去自為患害

小畜東行迷職征討不服侵齊伐陳街壁為臣大得意還

履 百足俱行相輔為強三聖翼事王室寵光

泰 本根不固華葉落去更為孤嫗

否 牧羊稻園聞虎喧喧畏懼休息終无禍焉

同人履位乘勢靡有絕蔽為隸所圖與眾庶位

大有大輿多塵小人傷賢皇甫司徒使君失家

井

謙 安和泰山福祐屢臻雖有狼虎不能危身
豫 同氣異門各別東西南與凶遇北傷其孫
隨 蜺見不祥禍起我鄉行人畏亡使命不通
蠱 无事招禍自取災殃畜狼養虎必見賊傷
臨 順風吹火牽騎驥尾易為功力因權受福
觀 五岳四瀆沾濡為德行不失理民賴恩福
噬嗑 延陵聰敏樂聽太史雞鳴大國姜氏受福
賁 神鳥五色鳳凰為主集於王谷使君得所
剝 媒妁先明雖期不得齊女長子亂其紀綱
復 明月作晝大人失居眾星宵亂不知所據
无妄 少康興起誅澆復祖微滅復明大禹享祀
大畜 千門萬戶大福所處黃屋左纛龍德獨有

頤 乾作聖男坤為智女配合既成長生得所
大過 羿張烏號毅射驚狼鐘鼓夜鳴將軍壯心趙國雄勇闖死
榮陽
坎 炙魚銅斗張伺夜鼠不忍香味機發為祟祟在頭頸笮不
得去
離 高飛不視貪叨所在臭腐為患自害躬身
暫過日 日禍生
咸 鉛刀攻玉堅不可得單盡我力齒為疾賊
恒 方啄宣口聖智仁厚釋解倒懸家國大安
遯 踟躕南北誤入喪國杜季利兵傷我心腹
大壯 公孫之政惠而不煩喬子相國終身无患
晉 弧矢大張道絕不通小人寇賊君子壅塞

明夷藏戰之室封豕受福充澤肥腠子孫蕃息
家人八子同巢心勞相思雖苦无憂

睽 循理舉手舉求取予六體相摩終无咎殃

蹇 王子公孫把絃攝丸發輒有獲家室饒足

解 井者有悔渴蠅為恠不亟徙鄉家受其殃

損 鄭會細鉅國亂失項弘明早見止樂不聽

益 穿室鑿墻不直生訟蹇衣涉露雖勞无功

夬 一脫卯免乳長大成就君子萬年動有利得

姤 五心乖離各引是非莫適為主道路塞壅

萃 百柱載梁千歲不僵大願輔福文武以昌

升 營城洛邑周公所作世逮三十年歷七百福佑封實堅固

不落

困 牛耳聳蔽不曉聲味委以鼎俎方始亂潰

革 從叔旅行食於東昌嘉伯悅喜與我芝香

鼎 訾姬開門鶴鳴彈冠文章進用舞韶和鸞三仁翼政國无

災殃

震 遊菟六子百木所起三男從父三女隨母至已而反各得

其所

艮 南山蘭蒨使君媚好皇女長婦多孫衆子

漸 黃虹之野賢君在位榮段為相國无災殃

歸妹 穿鑿道路為君除舍開闢福門喜在我隣

豐 商風數起天下昏晦旱魃為虐九土兵作

旅 自衛歸魯時不我與冰炭異室仁道隔塞

巽 元缺此行

兌 六虵奔走俱入茂草驚於長注畏懼啄口

渙 元缺此行

節 避虵東走反入虎口制於爪牙骨為灰土

中孚頃迭不行弱足善僵孟絜无良失其寵光

小過十羊俱見黃頭為首歲美民安國樂无咎

既濟望風入門來到我隣舖吾養均

未濟登高車反視天彌遠虎口不張害賊消亡

焦氏易林卷第十二

[Faint bleed-through text from the reverse side of the page]

卷之三 第十三
...

